

Ո Ր Ո Շ ՈՒ Մ

Վարչական վարույթի ժամկետը երկարաձգելու մասին

«09» մարտի 2022թ.

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով ԻԻՀ քաղաքացի Մահտաբիբախշայեշ Հայդեր Մոհամմադի վերաբերյալ նյութերը.

Պ Ա Ր Զ Ե Ց Ի՝

2022 թվականի հունվարի 8-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանող Մահտաբիբախշայեշ Հայդեր Մոհամմադի կողմից շահագործվող «MAN» մակնիշի, 61AA399 պետհամարանիշի ավտոբուսը, ինչի արդյունքում, նշված ավտոբուսի վարորդների համար նախատեսված հանգստյան խցի կողային մասում հայտնաբերել են մաքսային հսկողությունից թաքցրած ընդհանուր՝ Seretide diskus 250 տեսակի 25 տուփ, Seretide MDi 250125 1 տուփ, MASPORT 500՝ 6 տուփ դեղամիջոցներ:

Փաստի առթիվ վարորդ ԻԻՀ քաղաքացի Մահտաբիբախշայեշ Հայդեր Մոհամմադի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային կետ-բաժնի պահեստում:

Մահտաբիբախշայեշ Հայդեր Մոհամմադի կողմից մաքսային հսկողությունից թաքցրած ՀՀ մաքսային սահմանով տեղափոխված վերոնշյալ ապրանքների շուկայական արժեքը որոշելու համար 11.01.2022 թվականին նշանակվել է «Քիմիական և ապրանքագիտական փորձաքննություն», որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:


Նկատի ունենալով, որ «Վարչական իրավախախտումների վերաբերյալ» ՀՀ օրենքի 37-րդ հոդվածի համաձայն՝ վարչական տույժը կարող է նշանակվել իրավախախտումը հայտնաբերելու օրվանից ոչ ուշ, քան երկու ամսվա ընթացքում և հաշվի առնելով, որ Մահտաբիբախշայեշ Հայդեր Մոհամմադի կողմից մաքսային կանոնների խախտումը թույլ է տվել 2022 թվականի հունվարի 8-ին և օրենքով սահմանված երկամսյա ժամկետը լրանում է 2022 թվականի մարտի

8-ին, քանի որ մարտի 8-ը ոչ աշխատանքային է, հետևաբար մարտի 9-ին, սակայն փորձագետի կողմից դեռևս չի տրվել փորձագիտական եզրակացություն և դրա համար անհրաժեշտ է ավելի երկար ժամկետ, քան վարչական վարույթի համար օրենքով սահմանված ժամկետի ավարտը, ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով.

Ո Ր Ո Շ Ե Ց Ի՝

1. Մահտաբիրախշայեշ Հայդեր Մոհամմադի վերաբերյալ վարչական վարույթի ժամկետը երկարաձգել՝ մինչև փորձագիտական եզրակացություն ստանալը:
2. Որոշման մասին հայտնել Մահտաբիրախշայեշ Հայդեր Մոհամմադին:

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ



ԱՐՏԱՇԵՍ ՂԱՄԲԱՐՅԱՆ